



Hààn ta xg'ae  
naka Covid-19 sa x'ää



**Ncèèa mááses dis tçgãyas Kg'aika ne khòè ne di zi Radio Station zi  
dì sa COVID-19 dim tciìm ka**

**Cultural  Survival**



Kg'aika ne khòè nea c'úùsea hãam qóm  
cgoa qgóókua COVID-19 dim tcìim  
domka

Cultural Survivals di tsééa nea Kg'aika ne  
khòè ne di zi radio station zi téé tcom si  
i, si ko ées gúù sa kgoana a Kg'aika ne  
khòè ne kaisase hùi ne ncées téé-q'oos  
tshúù sa x'ãà.

Khòè ne dis radio sa kaisa qarian úúas  
gúù si i Kg'aika ne khòè ne di sa, gane di  
qarian dìí ne ii di hěé, gane di qarian  
kgoarasea hãase x'óé a kg'ui a nxaèse  
di hěéthěé e, naka gataga thěé qaase ko  
tchōan cg'áé a qaa-qaasa khòè ne koe  
úú di i thěé e.

Tcēega saa qarin úú si i ne ko khòè ne  
qari-qariè radioan koe guu a.

Galina Angarova  
Executive Director  
Cultural Survival



### **COVID-19 Kaisase Cgáé zi gúù zi dis tçgãya sa**

Ncēes tçgãya sa kúrúèa hãa Kg'aika ne khòè ne cgoa ko kg'uia xg'ae ne koes gha tséé cgoa dis gúùs hùì ne ko sa a ii ka, ne tēe a nqàrè ka téé a COVID-19 dis tçì sa x'ãà ka, wèé cárm tsééa ne di koe.

### **Ncēes tçgãyas di tsééa ne tchàase:**

Ncēes tçgãyas di tsééa nea Kg'aika ne khòè ne koe ko tchõàn tsaj-tsaj ne tséékg'ao ne gha tséé cgoas gúùs sa kúrú si i, ncēes gaas cgoa ne gha COVID-19 dim tçìim ka kg'ui a gam di zi qóm zi x'ãà cgoa sa.


### **Tçgãyas ko kg'ui cgoa ne:**

Ncēes tçgãya sa tséé cgoa dis gúù si i radios koe ko tséé ne khòè ne di sa, Kg'aika ne khòè ne di tchõà xàà-kg'aoan koe hēé, tchõà tsaj-tsaj-kg'ao ne koe hēé naka khòè ne cgoa ko kg'ui ne koe hēéthēé e, wèém nqõóm ncēm koe ga, nqáo-nqaoSean di sa COVID-19 dim tçì x'aè ka.





# COVID-19



Khóè nea ncēeska k̄abam tciim COVID-19 ta ko ma tcièm cgoa q'Oakua. Gaam tciì ba ko xgáè-kg'am tsóòà ne ko qanega qaaè.



Ncēeska i ko nq̄ó xu wèé xu di goromentean x'áè-kg'aman tòò táá méé i khóèan c'úí koe xg'aeku di i, si nq̄ó xu dis téé-q'oos marian di sa hēé, dàòan nq̄ó xu q̄ookagu di hēé naka khóè ne di kg'òèan cgoa koe kúrúè zi gúù zi hēéthéé cg'ǎès téé-q'oos koe hãa.

Xò̀m x'aè ka kúrúseas gúùs ncēe sa ko ncēeska hēé ta a ta gatá ka x̄ò ga ne kg'aika di ne máà taa hãa tc'ēean Kg'aika ne khóè ne úúa ka tc'ēe-tc'ēese naka gatá ka x̄òs ais nq̄óos cgoa ta úúa hãa tòókuan ta ga ma kaikagus ka hēéthéé e.

Hà̀n ta kg'uia xg'ae naka tshàoa ghùì dàò xu kg'òèan di xu gúù zi tséékaguan di xu naka khóè ne ko kúrú zi hēéthéé e ncēe nq̄ó ba cg'ǎè-cg'ǎe tama zi.



Kg'aika ne khòè ne di tchōà nea ncēm kámam ka kaisase cgáé e.  
Ncēm x'aèm qóm cgoa ta qgóókuam ka, khòè ne cgoa ko kg'ui ne méé  
ne tchàno tchōàn xàà q'ano a kg'ano-kg'anosam dàòm cgoa.


Cultural Survival sa ncēs tcgāya sa kúrúá hāa ncēe xōana hāas téé-  
q'oos domka, a ko radioan ko kúrú tsééan bóà q'āa naka Kg'aiaka ne  
khòè cgoa ko kg'ai ne ma cgáé ne e, a nqáó-nqáosea hāa sa hēéthēé e.

Tc'ēe-tc'ēese, Kúrúè ga zi ncēe ta kaisase gaa zi ka bìríèa hāa zi, táá  
méé i cúí koe xg'aekuè guu ta ko méé zi, naka taa tc'āoa hāa kòman tòò  
xg'aekua ta koe, naka taa qāèse xg'à tshàu naka qgábú kg'ám ta ko  
méé zi.



**Qari xòèan hēé naka kg'amka xòèan hēéthēé e**

Ncēs gúùs ncēe kúrúsea a wèés gúùs dis tee-q'oo sa kàbia sa ko dàò  
ba xgobekg'am nxāasega ne gha Kg'aika ne khòè ne qāèse bóà tcg'òò  
ka gane di kg'amka xòèan hēé naka gane di qarian hēéthēé e.



Tsòose di qgàian úú tama sa hěé, chǒó tsòòan úú tama sa hěé naka kg'aa di tshàan úú tama sa hěé naka tchàno a tseegu di tchǒàn úú tama sa hěéthěéa ko kúru ta a ta kg'amka ta khòe ta ii.



Khòe ne di cauan hěé, tc'óó kg'áman hěé, cauan di tsòòan hěé naka qǎese kg'onòsease hãa sa hěéthěéa sita di qari xòèan ga a.

Cultural Survival sa ko ncēes tcgāya sa mǎa tu ncēe qarua hãas tée-q'oos cgoa ko x'āakus x'áís iise, a ko radioan ko kúru tsééan ma cgáé ii sa bóòà q'āa naka Kg'aiaka ne khòe koe ko tchǒàn úú ne khòe ne ma nqáo-nqaosea hãa sa hěéthěé e.

Ncám xòèa nes úúá: Tc'ǎa di xòèa sa radio sa q'òòà ne hěé naka gaa koe koe tséé ne hěéthěé cgoa q'oakua.




Cám dim xòè ba tçgãyas tchàno zi gùù zi qãèm dàòm ka ga Kg'aika ne  
khòè kúrúá mááè di me e.





## Tc'ãà dim xòè ba

Radios di ne tséékg'ao ne hěé naka kg'ama ko hùi ne hěéthěé e  
Dùú sa méé ne radios dis xg'aes di ne kúrú saa?  
Nqáo-nqaose sa kg'áíka!



Nqáo-nqaosean dis kàa sa radios di ne tséékg'ao ne kúrú máá  
Kaisase i ko qaase xg'aea hãase tu ga ncées gúù sa kúrú sa, a tu a gataga qgóóa qari World Health Organisation (WHO) ta ko ma tciiès xg'aes ko méé sa hěé, kaim goromentem nqóó ba tc'ãa-cookg'iam ko méé sa hěé, tsóòkg'ao ne tc'ãa-cookg'aian ko méé sa hěé naka x'áé ba tc'ãa-cookg'ia ne ko méés ga sa hěéthěé e.

### Eě tshúù ii zi bóò q'oo

Khòè ne xg'aeku koe tu kò ko caate ne méé tu nqáo-nqaosean di zi dàò zi khòè ne di xu tc'ãá-cookg'ai xu hěé naka x'áém di ne tc'ãá-cookg'ai ne hěéthěé tòóa zi xùri. Ncěea tc'ãà dis gúùs gatu dis nqáo-nqaosean dis ga si i.





Kúró naka ne tséékg'ao ne qǎèm dàòm ka bóòà q'ǎaè  
 Tcgāya zi tséé-kg'ao ne kgoara máàèa hāa di zi méé ne úúa hāa ēe ne  
 ko tcǎà a ko tcg'oa ka ēe ne ko tséém qgáim koe.

Táá hēé naka i xámse q'ooa tsi qǎè tama qgái koe hāa guu: Kg'òèa tsia  
 kaisase cgáé e radios q'oo di q'ǎa-q'ǎakuan ka  
 Táá qaase tama i hāa koe kg'ama tshúù qgái koe tòóse guu, nqáó-  
 nqaose di qgáian tsi kò úúa ne cúíga, q'ana méé ta hāa kg'ui cgoa ta a  
 ko nea khóè ne e thēé

Gane ēe xháé ko ne di tsééan cúíka di tòóa kg'ónò  
 Tsaris xg'aes di ne khóè ne kò ko kaikg'aia khóèan úúa hāa kana  
 qháése tsóòè tama tcìl x'òan úúa ne, méé ne c'ēe tsééan máàè naka  
 nea x'áéan ēe ne hāa koe ga hāan kúró.

<p>Wèé x'èè ka tsééan di        qgáian q'ano-q'ano</p>	<p>Khóèan bìrí naka i táá        tsééan koe káise kái        naka dàrà guu</p>
<p>Tséékaguè ko zi gúù zi        q'ano-q'ano wèé x'èè        ka</p>	<p>Tc'ǎán ko xgaekg'am        gúùan tséékagu kana        x'úró sa dòman ko        tchàa-tchaas gúùs koe</p>
<p>Tc'ǎá q'oo di tsééan tsi        hāa a ko kúró x'èè ka        tséé cgoa tsi gas gúù sa        kúró</p>	

Wèé x'èè ka tsééan di qgáian q'ano-q'ano  
 Cg'ǎa qgári 70% di cgoa tcg'òme xg'aeèa gúùan tséékagu, Chlorine ta ko  
 ma tcièè gúùan tsi ko kgoana a tshàan q'oo koe tcǎà kana c'ēe gúù igaga  
 tshàan ko q'ano-q'ano o.



Eë tsi tc'ää q'oo koe hãa a ko tséé ka ko kg'ama cúíga hãa a tséékaguses gúù sa kúrú naka tsia gha nxãasega táá si dòman ko séèèm nquu-coam koe séèn dòm guu.

Khóèm tsééan koe hãa ba hëé nakam dqùì ba hàna hãa nquu-coam tséé q'oo koem ko ko síí ba, èeta tsi kò ko hëé ne i ko nxãaska gúùan di ts'òò-q'ooan qãèse kómse dqùian q'oo ka i ii ka tamase. Igaba nxãaska ncëe tséékagu tsi ga a tchõàn tsaj-tsaj zi qánò zi tsi kò úú tama ne cúíga tsi ga dqùì sa tséékagu cáàm dis gúùs tséékaguè gas iise. C'èe zi gúù zi tsi ga kgoana a chõo qánò zi koe hòò ncëe koe tsi kò ko qãè ne:

[www.giss.tv](http://www.giss.tv)

Tc'ään ko xgae kg'ams gúù sa tséékagu kana x'úrús ga igaba dòman ko tchàa-tchaas gúùs koe

Dòman ko tchàa-tchaas gúù sa ko kgoana a tcìian c'èe khóèan koe nqáékagu. Ncãa tsi kò dòman ko tchàa-tchaas gúù sa tséékagua xg'ara ne x'úrús èe tcúúsa sa koe hãa sa tcg'òò naka c'èe sa tcãà kana qgúì ba tséékagu kana qgáì ba naka tcárím tcúú gaas gúù sa wèém khóèm èe gha ko tséékagu sim koe. Eë tchàno ii sa kúrú.

Tséékaguè ko zi gúù zi q'ano-q'ano khóè ne ko tēèa xg'ara ne. Qgáì cgoa kúrúèa gúùan koe qgáì ba cg'ãa-cg'ãa naka tséékagu me naka gúù zi q'ano-q'ano. Táá Chlorine ta ko ma tciièm tsòò ba tséékagu naka gúù q'ano-q'ano guu, qanoa nem ko ts'òòkagu. Qgáì cgoa kúrúèam tsòò ba ko kgoana a tsòòan ko x'amaguè qgáì koe kana tsòò nquus koe x'árnaè.


Táá cáàm dis tc'ão-tc'ão sa nqáéa hãa khóèan radios dis tséé qgáian koe óá guu

Radio nquus koe di ne cg'áé nea ko kgoana a tcìian nqáékagu c'èe khóèan koe. Qaa-qaasa cg'áéan cúíga hëé naka i dàrà tama kò ii ne dqùì q'oo koe tsari cg'áéan tēèan tēè.

### **Cám dim xòè ba**

Radios di ne tséékg'ao ne hëé naka kg'ama ko hùì ne hëéthëé e Ncëem xg'aekum koe ta ko tchàno-tchanokuan di zi dàò zi World Health Organisations ka tòòèa zi xgubùa xg'ae naka nxárá tcgòòèa zi qgáì zi ka hëéthëé e COVID-19 dim tciièm ka, nxãasega ne gha Kg'aika ne khóè ne cgoa ko kg'ui ne tchànóm dàòm ka tchõàn xàà ka q'áò-q'aosa a bèe-beesam dàòm ka tamase.

Tseegu úú tama tchõà ne



Tseegu úú tama a kúru máaseèa tchōn koe táá cúu guu

World Health Organisation (WHO) sa kg'uim “tseegu úú tama” di ba tséékagu, a ko tchāno tama tchōn tshúntcōa di ncēe tǎáka zi dàò zi ka ko tsai-tsaiè nxàe. Tchāno úú tama a tshúntcōa di tchōa nea ko khòe ne tcheèku tc'èekagu a kúru ne ne qāe tama dàòan sèe, si ko ēe sa khòe ne di kg'òean tshúu qgái koe tcāa. Tseegu úú tama tchōn khòe ne ko tcheèku tc'èekagu táá tcana máá guu.



Tcāa tcgái gaas ēe ncēes tcìis ka kaisa xгаа-xgaan cgoa qara tcg'òòea a World Health Organisations ka dtcòma mááèas koe.

Tc'ēe-tc'ēese méé tsiis gúu saa gaas tcìis ka kaisase q'ana hāa tsi tama tsi a gataga gaas tcìis ka kaisa xгаа-xgaasean úúa tsi tama tsi i, khama nxāaska xгаа-xgaasean tsóòan ka q'ana hāa ne hēe, tǎáka zi tcìi zi ka xгаа-xgaasea ne hēe, nakan hēe, tsóò kúruk'ao ne hēe, tcìlan ko ma tshoa-tshoases ka xгаа-xgaasea ne hēéthēe, ne cúí nea ga tcìis ncēe wèém nqōóm koe ga xōana hāas di xгаа-xgaasean tcana hāa ka khòe ne bìrí.



World Health Organization



Gatá ka xòoga ne di zi tsòò zi hěe naka cauan Kg'aika di hěethěe mée ta tséekagu

Tc'ěean ta úúa hãa sita di cgáe-q'ooan ta cauan di tc'õoan hěe naka tsòòan hěethěe cgoa qari-qari di i. Gaa domka mée tu x'áe q'oo di xu tsòò-kq'ao xu hěe naka gane ẽe tc'ěega ne hěethěe ncěe zi gúù zi ka tề.




Ncěe tchõan tsaj-tsaj tsari ne khòe ne dis kg'uis cgoa naka tsarim nqõóm dis kg'uis tséekaguès kos cgoa hěethěe e

Tchõan sée a gatá dis kg'uis Kg'aika ta khòe ta di tãman koe úúèa cgáe e, a ko qháese ga kóma q'ãaè. Gaa domka mée tsi khòe ne ka tcomèa tsi khòe tsi tchõan ko khòe ne koe úú tsi ii. Ncěe Kg'aika ne khòe ne dis kg'ui sa q'ãna hãa khòean kò ko kaà a ne, mée wèe qarian tséekaguè naka i kg'uis ẽe sa q'ana hãa khòean qaaè. Kái zi gúù zi x'ám q'oo koe ko kúrúe zi khòe ne cgoa tu ga q'aa-q'aaku zia hànaa. Ncěes tcgãyas chõo-q'oo koe ta gha tchõan tcom-tcomsa tsi ga hòò zi qgái zi x'ái tsi.

Táa khòean tsane naka tãákase qgóó guu

Ncěem tciim kò kg'aia c'áa dis ka hàà ka ne kò ko tchõa xààkg'ao ne ma 'Chinese dim dqãe me e' témé. Ncěes gúù sa kò qhàò zi q'aa-q'aa a qhàò zi xg'aeku koe hòreku sa óága, ncěe kò kaisase Asia dim nqõóm di ne khòe ne tchúù-tshuu tcáo sa.



Ncēes gúùs domka ga ta ko dtcàràe q'õésea méé ta hãa sa tséékagu ta ko kg'uián koe, naka ta táá khóèan ko cg'aré-cg'are xu kg'ui-coa xu tséékagu naka c'ēem khóm dis qhào sa gaan ka tcii guu, tc'õó i ko sa, guua i hãam nqõó ba, kana ēe i gaa khóèan úúa hãas tcìis domka.

#### Radio sa ko khóè ne di qarian ka kg'ui

Radio zia ko kgoana a wèém nqõó ba khóèan di qarian ka xgaa-xgaa, a ēes gúùs domka kaisas tséé sa úúa hãa khóè ne cgoa kg'ui di sa (a xguì khóè ne di qarian náà c'aa-c'ana ne).



#### Táá kaà dàò zi gúù zi ka góá guu

Ncēem kámam ka i kaàkg'aoan kái i, a khóè ne kaàn cgoa marian séè cgae kg'oana, Ncēe ts'ãakg'aoa nea ko kgoana a khóè ne kana xg'ae-coa zi khóè ne kaà tc'ēe ne di zi koe ga guu: c'ēem kg'ám ka tsóòan hēé, c'õoan di tsóòan hēé kana kaàn cgoa kg'ama tcg'ómè xg'aeèa zi gúù zi hēéthéé khóè ne máà kg'oana ne. Ncēe c'ēem khóm kò ko máà kgoana i ko a ncēem tcìi ba tsòò témé, ne méé ta gatá tchõà xàà-kg'ao ta hēé naka khóè ne cgoa ko kg'ui ta hēéthéé qãese tēèa cgáé-cgae ne tseeguan ne ko nxàe sa, naka ne nxãasega tseeguan nxàea tcg'óó mta i ma ncēe tsóòan q'araa hãa sa gatá ka xõòga ne xg'ao ko tséékagu tsóòan cgoa.



Tchõàn méé ta tchànóm dàòm táókg'aikuan kg'anoam cgoa xàà Ncēe c'ēe khòèan tsi kò ko q'ana hãa ncēm tcìim di zi x'ái zi úúa hãa a kana COVID-19 dim tcìim ka cg'õoèa hãa a, ne méés tchõà sa ēem khòèm dis x'áé-q'oos di ne khòè ne táó-kg'aia hãase nxàèè naka saa gataga thēé gaam khòèm ēe tsàaraa hãam gaa ba thēé táókg'ai. Q'õésea méé tsi hãa ēe tsi ko khòèan tèè xu tèèkg'am xu koe. Gataga méé tsi gaa khòèan dis téé-q'oos koe tòóse.

Gataga méé tsi sitá di ne khòè ne koe koe guua hãa tchõàn ka kg'ui naka sita di tc'ãa-cookg'aian koe guua hãa tchõàn ka hēéthēé e, naka tsia khòè ne hēé, nqõó ba hēé, gam nqõóm di xu xg'aeku xu hēé naka ēe tsi hãa q'ooam x'áém di ne khòè ne ga ma nqáó-nqaoase ka tòóèa hãa x'áèkg'aman ka kg'ui.


Gataga méé tsi thēé kúrúa si kgoara mááèa hãa zi gúù zi hēé naka kúrúa zi kgoara mááè tama zi gúù zi ka hēéthēé kg'ui.



Tc'ēe-tc'ēese, radio sa tséékaguè ko a tchõàn khòè ne koe nqáékagus gúù si i, nxãasega ne gha khòè ne gane ka c'úúa tcìian di zi x'ái zi bóòà q'ãa mááse a gane ka tsóòkg'ao ne koe úúse ka, síí ne gha ēe tcìian ka gha qháése tcãàè khama ii ne hēé naka gane ēe tcìian di zi x'ái zi úúa



hãa ne hěéthěé kúrúa bòò a thesta ka. Kaisase cgáés gúù sa khóèan séè c'áò, kg'am tshara kana gaan di cg'òà ne a síí bóòà tcg'óó kana thesta a tseeguan ka ga i tcìì ga a sa si i, naka nxãasega táá tcìian tcãà a kana nqáó-nqao gam ẽe nxãakamaga tcìian úúam di kg'òèa ne.



**X'ám di cauan ka kg'ui sa**

Khòè ne tcēkg'ama ntcòòèa hãa x'aè di zi kōe-coa zi cgáé-q'oo ba zàò di zi, x'áé-q'oo sa ko qáéa xg'ae zi ka kaisase kg'ui. X'áé-q'oos di ne khòè ne cgoa kg'ui xg'aea hãase ne ga kúrú zi gúù zi ka, ncēe xg'ae a qgãe, a xg'ae a xhàrà-coan kúrú, a xg'ae a tsãagu di zi.

Khòè ne cgoa kg'ui naka ne wèé cárn di tsééan nquuan q'oo di q'aa-q'aaku naka kúrú, gataga méé ne q'ana hãa kg'áòan hěé naka dxàean hěéthěéa cúíta noo sa. Gataga méé ta huwan hěé naka q'ana ta hãa tchòàn hěéthěé gatá di cóán koe nqáékagu qaoa ta ko ntcòè kana xg'aea hãase ko c'ēe zi gúù zi kúrú ne nakas nxãasega ẽe sa hěé ne ne táá kaisase tcìian ka kaise tc'ēe-tc'ēese guu.

Gataga méé ta kúrú nakas radio sa kaise khòè zi hěé naka cóán hěéthěé di xgáèkuan ka kg'ui. Ncēm kámam ka ta tcēkg'am ntcòòèa khama zi ko tãáka zi xàà zi óáè xgáèkuan di zi. Gaa domka méé ta gatá di xu x'áé xu koe khòè ne ko téé-tcom ta dòm ta ii, tc'aua hãa a kòòkoa hãa ta.



Kaisase méé ta tc'ëea ta koe ta q'ana hãas ka gatá di cóán bìrí q̄àò ta ko ntcõè ne, naka c'ëe zi gùù zi hëé ne gha ne táá kaise ncëem tcìim ka tc'ëe-tc'ëese zi ka hëéthëé e.

Káí zi xg'aeku zi koe ta ko bóò ne i cóán kg'ama x'áéan koe hãa a chõó qano zi koe xgaa-xgaasean ka qãèa mááè tama, internet nea ko c'ëe koe xháé, zi c'ëe zi gùù zi xgaa-xgaasean ko tham-tham zi zi ko gataga tcào khama. Gaa domka méé tsi radioan koe tòóse naka cóá ne ëe kaia hãa ne hëé naka gane ëe cg'aré ne ne hëéthëé xgaa-xgaa, ëem dàòm ka tsi ko c'ëe gùù ga kg'õèa ne koe cau, a hëé i xgaa-xgaasean di qgáian táá xgáè-kg'amè i skolean ga táá tc'ëekg'amè. Xgaa-xgaa-kg'ao ne dtcàrà naka ne hàà cóán radion q'oo koe xgaa-xgaa.

Khòè ne méé ne q'ãa caatean kgoara mááèa sa méé naka máá ncëeskas COVID-19 sa káà si i témé tama. Kaisase méé ne komsana tsóòkg'ao ne ko nxàe sa.

Gataga cgáés gùù sa ncëe nqáéa x'aè ka kúrúsea a tchàno iis koe méé ta tc'ëea ta tòò naka t'õè zi khòè ne kúrúse cgaea zi koe hëéthëé e, tcìis di x'aèan ka.

X'áém di ne khòè ne cgoa chóà xg'ae naka tu tc'ëe-tc'ëese ncëes tcìis tshúùs koe tu xgaa-xgaasea hãa zi naka mta iis téé-q'oos koe zi qau tua hãas ka hëéthëé e, naka tu ga ma kg'õea tu kúrú i cgáés ka hëéthëé e.

Kaisase marian tòóa mááses ka khòè ne cgoa kg'ui naka ne táá kg'ama qaase tama i hãa koe ga x'ámá k̄è guu.

X'áém di ne khòè ne cgoa kg'ui naka ne nqáó-nqaosean di x'áè-kg'aman tcana hãa tcáo ka séè, maria nea gaam dàòm tcìian gha tcãà tsim tama me e, igaba i ko ma khòèan koe tsai-tsaise sa ko kgoana a hëé i tcìian qháése khòèan tcãà. Eë ne khòè ne hãa a ko tséése a ko marian qaa ka.

Khòè ne cgoa kg'ui naka ne tc'õo zi cgáé-q'ooa ta ko qari-qari a kúrú u i gaan ka tcìian x'ãà mááse zi tc'õó. Gataga méé ne gatá ka xõòga ne xg'ao ko tc'õó zi tc'õo zi cg'áé-q'oom koe cgáé zi tc'õó, ncëe x'áise ko a gatá ka tsgõosea ne q'áòse kg'õèkagua zi.





Ndaka zi xg'aeku zi koe i ko kgoana a tcìlan tcãà tsi?





**General Reliable Sources of Information:**

World Health Organization  
<https://www.who.int/es>

Specialized pages for journalists covering COVID-19  
International Journalists' Network  
<https://ijnet.org/en>

Global Investigative Journalism Network  
<https://gijn.org/gijn-en-espanol/>

South Africa  
<https://sacoronavirus.co.za/>

African Union  
<https://africacdc.org/covid-19/>

World Health Organization Africa  
<https://www.afro.who.int/health-topics/coronavirus-covid-19>

**Cultural  Survival**